



## CHRISTMAK



Bitoriano GANDIAGA



### OHARRA:

Iragan Gabon-jaietan **christmas** modura lagunei banatzeko idatzi zituen honako hauek B. Gandiagak.

Doinu pentagramaz doaz horietarik hiru; letren deklamaziorako lagungarri jarriak. Peillo Zaballak itxuratu zizkion melodiok.

Gandiaga adiskideak, lumaberrituarteko mika aldia duela dirudi; baina, norbaiten urtebetetze, zerbaiten ospatze eta halakotsuko kasuetarako baizik ez bada ere, EGAN-en eskarira, diharduenaren ageria eskaintzen digu. Eskerrikasko.

OTS.

I

Maitasunak egin zuen  
maitagarri  
Belen

Aitaren  
maitasunak egin zuen  
maitasunaren aska  
Belenen

Belen  
Belenen  
Belengo  
Belen  
Espiritu Santuaren  
egitez  
urez eta odolez  
Belengo Aska Birjina


bizitza betikoaren  
iturri egina  
Belen

maitasuna dariola  
behin eta betiko  
Jesukristo  
Salbatzailez


270

1982.azaroak 17


II



Gabon haurtxo bat jaio da bere etxetik kanpo-ra



ama pobre batengandik ai, ai, ai, ai, ai, eta ai



eta aitak ez du la-nik.

Gabon, haurtxo bat jaio da  
bere etxetik kanpora  
ama pobre batengandik  
ai, ai, ai, ai, ai eta ai  
eta aitak ez du lanik.

Hainbat gauzaren beharrez  
ezbeharraren gogorrez  
pobreak hala beharrik  
ai, ai, ai, ai, ai eta ai  
eta hain daude bakarrik.

Aitak ez du lanik eta  
herbestean aurkitzen da,  
latza da halabeharra  
ai, ai, ai, ai, ai eta ai  
eta haurraren negarra.


Historia berria da  
noiznahi berritzen da-eta  
pobreen anparurik eza  
ai, ai, ai, ai, ai eta ai  
eta bajuen tristeza.

Inork ez ditu onartu,  
preminak ditu behartu,  
nonbaitera behar-eta  
ai, ai, ai, ai, ai eta ai  
eta koba baten dira.


Eta bajuen tristeza,  
bakardade ta bajeza  
zenbatek duen sufritzen  
ai, ai, ai, ai, ai eta ai  
eta gaua ez da ontzen.

1982.azaroak 18


### III




Gabongo ilu-nabarra, izotza eta ifa-rra;



asto gainean. andre gaztea trailatik tiran senarra -



GAZTE BIKOTE APA-LA, HAURRA JAIÖZ ZE-RA-MA-LA,



GOGOR DU JAURTI JENTE ONDRAUAK, SARRI OHI DUEN BEZALA -

**GAZTE BIKOTE APALA,**

**HAURRA JAIÖZ ZERAMALA,**

**GOGOR DU JAURTI JENTE ONDRAUAK,**

**SARRI OHI DUEN BEZALA.**

Gabongo ilunabarra,  
izotza eta ifarra;  
asto gainean andre gaztea  
trailatik tiran senarra.

Gaixo senar-emazteak,  
maitasun gozoz beteak,  
noraezeko bideak zehar  
hor daramatza haizeak.

Oi, sentimendu mendiak  
bi gazte bien sentiak,  
gozo ta larri presatzen ditu  
haur baten egunsentiak!

Arre, txiko, bizkorrago,  
aterpe bat hantxe dago  
Belengo herriz kanpora eta  
sakana baino asago.

GAZTE BIKOTE...

Berandu, baina puntuan  
han daude koba barruan.  
Andre gazteak egin du haurra,  
hantxe du altzo santuan.

Jose gaztea geldida,  
Maria bezain pozik da:  
zein handia den bi gazte haien  
haurraganako kupida!


Han daude biak zurturik  
haurrarenana bildurik  
maitasunaren hain hurbileko  
zorionetan urturik.

Sarri ohi duen bezala,  
gazte bikote apala,  
gogor du jaurti jente ondruak  
haurra jaioz zeramala.


GAZTE BIKOTE...

1982.azaroak 19


## VI



apaltasun ederrak  
Belen du izen,  
zer sentzilotasuna  
Belenen.



maitasun gozoak  
Belen du izen,  
zer elkartasuna  
Belenen.



eraman onak  
Belen du izen,  
zer poztasuna  
Belenen.

bizimodu pobreak  
Belen du izen,  
zer esperantza  
Belenen.

bihotzen ontasunak  
Belen du izen,  
zer maitasuna  
Belenen.

bake berriak  
Belen du izen,  
zer zoriona  
Belenen.

marjinatuen zoriak  
Belen du izen,  
zer justizia gosea  
Belenen.

Jaungoikoaren ahuleriak  
Belen du izen,  
zer samurtasuna  
Belenen.